

函青閣金石記卷三

商城楊鐸石卿撰

瑞安陳

準校刊

漢伏生授經畫象

右畫象道光十五年日照許印林得於沂州府治移至王右軍祠案山左武氏石室廣繪聖賢之象而無伏生今得此石足資攷證焉漢書儒林傳伏生濟南人也故爲秦博士孝文帝時求能治尙書者天下亡有聞伏生治之欲召時伏生年九十餘老不能行於是乃詔太常使掌故朝錯往授之顏師古曰衛宏定古文尙書云伏生老不能正言言不可曉也使其女

傳言教錯齊人語多與穎川異錯所不知凡十二三
略以其意屬讀而已考尙書出於伏生壁藏又口授
其義始有今文廿八篇顯於世及孔壁得古文書孔
安國以今文讀之其無今文可證者凡十六篇竟不
能讀又無能注者謂之逸書存於故府今之孔傳梅
蹟所上非孔壁古文朱文公疑之是漢無伏生則尙
書不傳傳而無伏生亦不明其義卽古文書出孔壁
無伏生之今文亦不能識讀是伏生一人爲唐虞三
代微言道統之所寄也因思古人刻石用意精審使
後世有所景仰非苟爲圖繪而已

漢沈君神道二石闕

釋文

漢謁者北屯司馬左都侯沈府君神道

漢新豐合交阯都尉沈府君神道

右石闕二八分書一十五字一十三字在四川渠縣

余案隸釋二闕上刻朱雀下刻龜蛇虎首其形相向
知此是一人猶王稚子闕盡書其所歷官也謁者僕
射秦官也僕主也古者重武事每官必有主射以督
課之謁者三十人秩四百石掌報章奏事及喪弔祭
享北堂書鈔釋官部漢官北屯司馬員吏二人衛士
三十八人平城門爲宮門不置侯置屯司馬秩二千

石見續漢志補注宮中諸有劾奏罪左都侯執戟戲
車縛送付詔獄在官大小各付所屬以馬被覆見尙
書令尙書僕射尙書皆執板拜見丞郎皆揖見續漢
志補注新豐東漢縣司隸京兆尹見地理志孝武皇
帝南平百越北攘夸狄置交阯朔方之州徐梁之地
改雍曰梁改梁曰益凡十三州所以交朔獨不稱州
明示帝王未必相襲始開北方遂交南方爲子孫基
阯也見漢書光武紀注秦郡有尉一人典兵禁捕盜
賊景帝更名都尉建武十年省惟邊郡置都口及屬
國都尉見後漢書桓帝紀注兩關分書官爵同書姓

而不書名字又與高頤闕不同也劉燕庭方伯金石苑云闕中有界畫長準建初慮僖尺三尺九寸五分廣三寸五分字發筆皆溢於界外數寸不等沈字道字發筆皆長洪氏云張瓘所謂作威投戟騰氣揚波者也洵非溢美

漢馮使君神道石闕

釋文

漢故尚書侍郎河南京合豫州幽州刺史馮使

君神道

右石闕八分書共二十一字在四川渠縣載金石錄余案漢明帝詔曰尚書蓋古之納言出納朕命機事

不密則害成可不慎歟見太平御覽職官部凡有中
郎議郎侍郎郎中四等無員見後漢書和帝紀注
京兆絕高曰京京大也十億曰兆欲令帝都殷盈盈
也左輔右弼蕃翊承風也見太平御覽州郡部翟方
進奏刺史位下大夫而臨二千石輕重失次請罷置
牧秩二千石者也凡北堂書鈔設官部諸州刺史上
郡並列卿府言敢言之見後漢書朱雋傳注攷神道
廟闕亦有稱之者金石文字記載少室神道石闕銘
曰興治神道是也

漢東海廟殘碑

釋文

永壽元 缺 盧口寔 缺 面並 缺 芳史

碑陰

闕者秦始皇所立石之秦東門闕事在史記

右碑八分書僅存二十餘字石已久佚在東海胸山
卽今之贛榆縣洪氏隸釋云余官京口日將士往來
胸山者云海廟一椽不存自今非四十年前舊物不
復見此刻矣歐陽公云天下一家漢碑雖在遐陬窮
谷無脛而可至集古錄中已屢言難得爲可寶況今
乎嘉慶年間唐陶山爲州牧時修輯州志徧訪是碑
蹤跡旣杳欲求一拓本亦不可得吳平齋太守云嚴
問樵曰洪氏釋文前有吏字末無史字或裝背家誤

移其次第說文吏从一从史史亦聲意者備史爲吏
余讀東海廟全碑下注缺字多至二十餘處不能句
讀者居其半此史字安缺不在缺字之中爲洪氏所
未錄不必穿鑿附會當以闕疑爲安余案此碑拓本
絕少世亦罕傳吳氏得之鉤櫛勒石置於焦山雖未
能如洪氏所見惟其埋沒零落之餘尤可寶貴此好
古之癖也

漢元儒先生婁壽碑

右碑八分書熹平三年正月立原立已佚宋拓本原
跋云此刻與禮器張遷等碑筆法相似二碑尙存而

是刻傳之甚少中父所藏乃宋拓耳丹首闕文則都
太僕金薤琳瑯可考也嘉靖己酉中伏日道生觀於
眞賞齋豐道生爲華東沙作眞賞齋賦云夏承婁壽
天球河圖比重此賦作於嘉靖二十八年己酉正與
道生此跋相合是碑在華氏眞賞齋已闕其前四十
八字矣後歸於邵僧彌又歸於顧懋閒後又歸何義
門有竹垞義門二跋未及摹入也州郡下一字洪釋
所闕據此作貢上半亦不分明義門疑睦之省當存
攷也金匱錢梅溪自吳門雙鉤此本見寄未谷欣然
爲付剛氏以視顧南原所稱趙凡夫本奚啻十倍過

之卽以作真本觀可矣乾隆乙卯十二月朔北平翁
方綱識張容園跋云有婁君碑原拓本宋時爲董氏
良史所藏冊後有董氏手書集古錄隸釋跋語俱細
楷字兩段末署良史筆妙墨精董氏秘玩書惟洪董
氏章潛心閣六印文迄明代時冊首已闕四十八字
藏於華氏中甫眞賞齋有豐氏道生題字後歸休甯
朱氏臥庵又歸長洲邵氏僧彌俱有收藏名印延至
國朝藏於顧氏憇閒家康熙乙酉朱竹垞先生從顧
氏見之遂跋云是冊爲中吳齊女門頭氏所藏憇閒
爲何義門先生舅氏因舉以贈之何氏書跋二則於

其尾在竹垞跋後三年則康熙四十七年戊子歲也
迨乾隆年間轉徙於吳門蔣韻濤處又有錢竹汀先
生題識錢梅溪從蔣氏雙鉤一本以寄翁覃谿先生
僅摹豐氏跋而朱何錢三君墨蹟未及摹入桂未谷
先生見而愛之乃付劂厠氏以傳諸同好余於道光
戊申孟秋晤商城楊石卿見其雙鉤印本借臨一過
越三載庚戌仲冬日照許印林郵贈以一帙因謀重
鐫以廣其傳余案是碑寰宇訪碑錄據江蘇長洲蔣
氏藏本編入原碑未有貞明四年十二月廿四日偶
因行過十四字正書當是後人題名考貞明爲後梁

末帝第三改元年號四年歲在戊寅雙鉤本桂氏刻
之容園重刻兵燹後板又不存宋拓本嘉慶閒又爲
吳門陸氏宋松書室藏道光閒復歸嘉興文後山今
則不知所在矣元儒先生國人之私諡也金石史云
私諡起於春秋漢末尙節義故尙不廢苻秦旣已非
古猶諡及隱逸唐朝臣尙加山林之號激貪勵競豈
曰罔裨今典三品京朝抹牀結舌循敘攷終皆得美
諡外吏卽品亞六卿德侔夷惠非際時會竟以格置
夫錄勞則外瘁於內崇體則杯土長掩防大則歿無
虞掉此義人勞卿所以扼腕太息也乃知私諡所當

復古

漢三山公碑

釋文

三公之碑

封龍山 靄山君

□□分氣建立□川乾為物父川為物母連生

六子八卦為主艮主為山□造風雨天有九部

地有八柱天地通精神明列序州有九山北□

成土北嶽之山連丹陁阻上為祈首含詩陰寶

南歸三公厥曲體嵩峻極于天鼎足而□二郡

宗祀之奉□□

金石記三
明公嘉祐□爲形兆觸石出雲不崇而雨除民
氛厲莫不禎祉德配五岳王公所緒四時珪璧
月醮酒脯明公降靈惟德□輔士宦得志列爲
羣后或在王室輔□聖主□雨時降和其寒暑
年豐歲稔分我稷黍倉府旣盈以穀士女髦儁
得進陳其鼎俎黃龍白虎伏在下左禽獸碩大
億兩爲耦草木暢茂巨仞不數而民知禁順時
而取皆受德化非惟能者願

明公垂恩罔極保□國君羣黎百姓永受元恩
光和四年歲在辛酉四月□亥朔二日甲子元

氏左尉上郡白土樊瑋字子瑋以要荒戍陵
側陋出從幽谷僊於喬木得在中州尸素食祿
當以弱劣歸于邦族明公謹得以足姦邪
逆竄道無拾遺消并難路無怨讟得應壬選
貢名王室霽祇福祚之典於是感恩立
銘勒石乃作頌曰

儼儼明公民所瞻兮山谷窈窕石巖巖兮高倉
□□侯羣神兮興雲致雨除民患兮長吏肅恭
得懽心兮四時奉祀黍稷陳兮犧用握尺見□
□兮百姓家□國富殷兮仁愛下下民附親兮

遐邇攜負來若雲兮或有采薪投輻檀兮或有
□□阻出□□或有□□□□耘兮或有隱遯
辟語言兮或有恬憺養皓然兮或有呼吸求長
存兮跂行喙息皆□恩兮□佑樊璋□谷遷兮
封侯食邑傳子孫兮刻石紀德示後昆兮永永
不幣億載年兮

舉將南陽冠軍君姓馮諱巡字季祖受脩六經

之要析□□□之受命北征為民父母攘去

寇弼戎用无□越竟民移俗改恭肅神祇敬而

不怠皇霽□佑風雨時節農夫執耜或云或芋